

蜀

碧



国立国会図書館 タイトル『蜀碧4巻』 請求記号 222.27-H614s(s)

ガラス使用

222.27
H614s
W(s)


史 雑 史
29



国立国会図書館 タイトル『蜀碧4巻』 請求記号 222.27-H614s(s)

ガラス使用

東洋書
刊行




国立国会図書館 タイトル『蜀碧4巻』 請求記号 222.27-H614s(s)

ガラス使用

蜀碧

東亞研究所藏

東亞研究所藏



453

222.27
H614s
(10)

鑄 去 隆 乾

同懷元彭端淑樂齋
鑒定

蜀 珀 石


集載張獻忠入蜀始末 石室藏板

自叙

史氏丹溪生憶甲申遺事而歎曰嗟乎自古殘忍之
賊亡甚猷忠遭禍之烈亦未如明季之蜀者也蜀自
猷藩啟封世有令嗣休養生息幾三百年士民之庶
物力之饒甲乎天下其間雖經鄔藍播蘭之亂元氣
猶存故張逆一入旋即敗歸未大創也崇正十年關
賊直犯成都西北半壁攻無堅城十三年而猷又繼
之蜀始艱危焉原其故文燦受紹於房穀其走挺矣

自叙

84811



嗣昌督師於荆襄。其毒流矣。捷春拒諫於石碛。其
通矣。士奇過糧於守軍。其濫擬矣。嗣是陷夔門。
萬走榮貴。敗魯英。血染佛圖。炮穴重慶。瑞王君
首就戮。當是時。使蜀藩之志。果於拒賊。監軍之餉。
請即行。其能保有成都乎。不能也。腹心既潰。而求
於首領。難矣。獨怪敵逆據蜀後。僭號稱帝。不思收
人心。而處心積慮。成乎其殺。鮑奴死。雪鰥死。貫珠
割腹死。遮地死。士盡矣。及匠傭男。盡矣。及婦女。民盡

矣。及僧道人。盡矣。及犬牛。物盡矣。及兵卒。又焚其糧
碎其砌。毀其屋。堙其井。平其城。二年之內。積骸如山。
流血成川。而賊之逞毒。一日封刃。其心不樂也。由是
言之。四方是維。天子是毗。誰司兵柄。萬死莫贖。由是
言之。天方薦瘡。喪亂如多。浩劫之來。自有宿也。故
充授首而後。多門之死。不可勝悼矣。夫考古之
蜀之由。張儀之啟疆。公孫之躍馬。譙縱之迫脅。
之流亂。劉闢之狂慳。王建之發跡。知祥之踵據。王

之州竊爭城奪地。創霸圖王。而皆撫有蜀民。不敢吐
毒。何敵之肆惡。一至此耶。豕虎嗜人。不識好惡。獸心
野性。固與人殊也。論者謂敵逆僭號。蜀人不與。誅斬
所置郡守牧令。蓄怨積怒。激而成光。嗚呼。此正蜀人
之所以死乎。余幼時固聞敵逆遺事。厥後博採羣書。凡
當時忠臣烈士。節女義夫。可印証者。彙為蜀碧一編。
以俟之後。是日也。慘然操觚。悲風四起。余壹不知心
之所極。泪簌簌然而屢下也。壬戌八月朔五丹溪生


磬泉泗自叙

種種破敗。種種屠戮。數十年喪亂情事。括於一叙
之中。故足為此書之弁。而文筆則挾嘆憤而含嗚
咽矣。蔡修萊跋

叙

蜀碧者。哭蜀也。哭蜀者。所以著楊嗣昌之罪。而憫邵捷春之愚。以弔忠魂烈魄於地下也。蜀之險。甲天下。絕其要塞。雖百萬可立挫焉。賊一入寇。秦良玉扼之。向非賂陳奇瑜。去則賊之亡久矣。嗣昌委賊於蜀。夫人知之。而捷春不知也。撤夔萬之藩籬。守重慶之門戶。使賊得以出入縱橫而無所忌。此其罪在誰與。故曰哭蜀者。所以著楊嗣昌之罪。而憫邵捷春之愚。

叙




也。敵賊之三八蜀也。分道屠戮。流血成川。蜀之受殘
極矣。當是時。自縉紳以至氓庶。盡節者不可勝數矣。
閨中婦女。或閉戶自焚。或罵賊以死者。無筭也。戎事
倥傯。其事不必盡傳。傳者又莫由表達。筆之於書。使
後之君子。得以考之。則死者可以無憾。故曰哭蜀者
所以弔忠魂。烈魄於地下也。曩者余嘗論其大略。其
未暇詳。今余弟磬泉。採擇成編。頗為詳悉。是固
志也。嗚呼。蜀非有深怨積怒於賊也。而殘忍苦況天

竇為之耶。抑人事使然耶。覽是集者。必將有革
下而不能已者已。故曰蜀碧者。哭蜀也。樂齋彭端


秋

義例總言

崇正七年賊始禍蜀亂之初生實維元年書賊起從其朔也獻初入蜀受創未深危亡之形兆自丁丑賊蜀者闢其先也閣部督師而以蜀為壑撫臣拒諫而動失機宜破軍殺將流毒生靈厥罪維均也請餉不與請召募不與國既卒斬又將誰懃而社井星隕闔宮安燼猶是國君死社稷也蜀中文武協心復仇衽草枕戈不忘討賊事雖不成亦足為烈于天下也天



鳴地震。水溢山崩。物怪人妖。鬼魅瘟疫。亡國之徵。孽
 不虛作也。忠臣義士。節婦烈女。內而細民。外而土目。
 無微不章。表幽魂。伸鬱魄也。勝廣挺漢。高興翟李。熾
 唐宗出。韓劉亂。明祖起。驅爵驅魚。實陰相之。終之
 王師平蜀。寇盜之禍。天所開。聖人也。二十年中。天地沉沙。生民磔裂。燕巢林木。鷄
 犬罕音。荼毒之慘。于斯已極。李賀所云。恨血千年化
 為碧也。事多緒襍。鋪次為難。晰目總綱。毫末可了。書
 法倣之古人。公案便於閱者。非敢比吳楚之僭王也。
 乙丑八月中。秋後總言。



蜀碧4卷

徵實

明史

明史綱目

明紀本末

諸家明鑑

綏寇紀略

三藩紀事

明季遺聞

徵實

東京研究所藏書



啟正野乘

豫寇紀變

天問閣文集

堯峰文集

寄園寄所寄

荒書

志亂

二申野錄

隴蜀餘聞

東林列傳

見聞錄

慶治錄

蜀通志

眉州志

邛州志

夾江志

後漢



故老遺言

家談

一卷

起戊辰崇正元年止癸未

二卷

起甲申

章皇帝順治元年止本年十二月

三卷

起順治二年乙酉止順治四年丁亥

目錄



四卷

起順治五年戊子止

聖祖

仁皇帝康熙二年癸卯

附記

十五條

楊展傳

劉潛貞傳


鐵脚板傳

余飛傳

書周鼎昌殺賊事

後叙

目錄



蜀碧卷壹

起戊辰
止癸未

丹溪生彭遵泗磬泉編述

戊辰崇正元年冬十有二月陝西賊大起。○陝西連歲大疫。平

涼延安間饑民相聚為盜首亂者工子順苗羨張

聖姬三兒王嘉允黃虎小紅狼一文青龍得水混

江龍掠地虎上天猴鬪王孟良劉六等名目甚衆


督撫討之。久無成功。其後併小為大。李自成張獻

忠虎視鴟張秦楚豫蜀之間。戰無堅陣。攻無堅城。

餘錄

書周鼎昌錄類事

余飛於



肝腦塗中原。而明社屋矣。

丹稜學博何脩云天啟間。蜀大旱。遵義守令集

黃冠禱雨。拜章者。伏地彌日。及起。守諫之。云上

帝召天下都城隍議事。章出甚遲。問議何事。云

戰場。始於陝西。至崇正初年。秦中賊果起。○脩

明李遵義人。

巳 四川地大震。○是後不書四川。所紀皆蜀事也。

庚 秦蜀二境。擊柝相聞。賊既亂秦。蜀豈無知。而瞿

塘劍門間。不聞修邊備。實軍儲。袖手以待賊入。

何與。備叙歲次。痛當事無陰雨之憂也。

申 叙州母豬洞。銅鼓鳴聲。聞一晝夜。

○二月流賊張獻忠。始自楚犯蜀。○獻忠陝西虜施

人。本將家子。少時從軍犯法。得總兵陳洪範救免。

刻梅檀為洪範像。事之。其為賊也。與羅汝才同起。

獻忠身長而瘦。面微黃。鬚一尺六寸。慄勁果俠。軍



中稱為黃虎。又號八大王。二月自鄖陽渡漢。犯襄陽。連陷紫陽。平利。白河等邑。遂入四川。

○賊陷夔州府及大寧。大昌。開縣。新寧諸邑。○賊至大昌。人皆走避。有羅傑者。獨坐室中。正衣冠。閱書史。賊入。罵之。遇害。

○賊犯梁山。邑人。中書涂原擊走之。○原以中書家居。賊至。集鄉勇。與戰。箠間。伐大松。感山徑。而用竹畚囊石。飛擊之。又以毒矢射賊中者。見血立斃。

賊則退入巴州。為川兵所破。去攻太平。石砭。女土司秦良玉將兵至。焚蜀撫劉漢臣運長壽之米。順流濟師。賊知有備。不敢攻。太平圍解。漢臣及按臣黨崇雅請用涂原。以蜀人治蜀兵。不許。

○賊攻保寧。不下。走犯廣元。城上發礮石擊之。遁。○賊攻保寧。推官張一鶚。按臣劉宗祥。川北道夏時亨。共謀守禦。不能下。走攻廣元。圍七晝夜。城上人發礮石擊之。賊遂遁。



方賊犯彝陵松滋入歸巴萬山中。荊州推官劉振
纓提兵從戰香溪壩。平陽壩斬獲殊衆。而楊正
芳有金沙舖之捷。李卑有蓮花白溝二坪之捷。鄧
玘有胡地冲之捷。許名成有仙女山之捷。當時川
撫若董石砭。力扼巫夔。不令得入。諸鎮戮力可
望成功。廼施兵以援荆東下。舍之勿追。夔關天險
無一人敢誰何。此賊入蜀之始也。

○先是賊既退。秦楚間。藩封數陷。蜀王世世然。不
遠慮。成都令吳繼善痛歎于王之朝。以書諫曰。高
皇帝衆建藩輔。基置繡錯。數年以來。暗命亡氏。失
其國家。此數王者。非真有敗德失道。見絕於天也。
直以擁富貴之資。徂便安之計。為賊所利。而不思
自全。此非殿下前車之鑒乎。今楚氛日惡。秦關失
守。曹關姚黃賊初起。陸梁左右。殿下付之悠悠。而

不恤。夫全蜀之險。在邊不在腹。若設重戍於夔門。劍閣。誠足自固。否則黃牛白帝亦屬曩庚。黑水陽平。更多。豈欲坐守門庭。謂為設險。不可解者一也。往者首撲滅。敵賊逃遁。止以蘭兵力有虧。敵地利不習。今者荆襄撤其藩籬。秦隴寒其唇齒。揣量賊情。益無瞻忌。而欲援引前事。冀倖將來。不可解者二也。至於錦城之固。不及秦關白水之險。寧踰湘漢。此可恃以無虞。彼何為而失守。且城如孤注。救援先窮。時及嚴冬。長驅尤易。累卵不足喻其危。厝火不足明其急。而猶事泄泄。以幸苟免。不可解者三也。為殿下計。宜召境內各官。諮諏謀議。發帑金以贍戍卒。散朽粟以慰饑民。出明禁以絕所養蒼頭。蠲積逋以免流離。溝濬募民兵以守隘。結彙目以資援。政教內修。聲勢旁振。則可易危為安。轉禍為福。苟或不然。蜀事誠莫知所終矣。竊為殿下危之。王不能用。蜀事誠莫知所終矣。竊為殿下危之。王不能用。蜀事

蜀書 卷之六十一 三



丁酉四月雅州地震。馬湖四、可地震者二。叙州建

試瀘州越雋皆同日震。

○一月闖賊李自成自秦州入蜀。道陷南江。通江等邑。尋退去。自成出身事見正史。此處從略。

○劍州大水。○先一日沿灘一石數百。皆反覆無容。及水至。民登州堂以避。餘俱漂沒。黃腸凶具。

架屋標者。累纒。

○十月安。地鳴聲聞半里。

給事

臣鄉以故

忠。縣中者無已。壯。

瘡。老弱困於騷。

此城邑空虛。關梁不戒。暇抵隙。連陷南江。通

江二邑。鎮臣侯良柱猶以吐哺為功。易視賊。占曰

地震。主兵又曰。地鳴者。伏屍流血。災不徒設。臣竊

憂之。守英。潼川人。

○十月丙寅。李自成由漢中趨廣元。總兵侯良柱

戰死。○李自成混天星過天星等。以十月初三日



破漢中之寧羗州。分其軍為三。一由黃壩攻七盤關。一由梨樹口麥坪入廣元。一由陽平關過青岡坪土門塔向白水。侯良柱辟廣元賊至。力戰死於陣。賊結七十營於烏龍山下。良柱陣亡。有屍無首。後削生前官職。
○賊陷昭化。知縣王時化死之。○初五日。賊分兵守二郎關。初八日。從淺灘過河。破昭化。知縣王時化不屈死。

○賊破劍州。知州徐尚卿及州人楊于鼎等死之。○先是初九日。賊攻劍門州。吏士塞石牛道。

回屯江口。初十日。疾趨攻劍州。城將破。知州徐卿召士民語之曰。城不可守。吾惟有死耳。爾等勉之。衆不忍去。尚卿書城空不可守。伏節為誰危苟竄。那無計。殊羞孤影。隨數語。匿於懷。于鼎與尚卿共守城。城陷。尚卿自縊死。于鼎率子姪諸生令青等督衆巷戰。奮臂擊賊。賊怒。支解以死。子姪皆被殺。尚卿福建舉人。



○賊破梓潼。○十二日。梓潼破。庠生趙節妻魏氏被執。給賊曰。家有積金。窖之江邊。願取以行。賊喜。同至園子潭。氏奮身投水死。

○賊陷江油。執知縣馬弘源。○賊破梓潼。三分其田。一往縣州。一往鹽亭。一往江油。江油陷。知縣馬弘源被執。不死。尋提問。

○攻縣竹。皆生王鐸及其妻趙氏死之。○賊至德陽漢州。聞風先潰。攻縣竹。

趙氏令之跪。鐸大罵不口。

○賊又殺之。時貢生施奇。


氏避亂西山。聞賊近。恐其辱也。拔一簪授婢。

吾不能逃。汝速去。萬一得生。汝主自北歸來。持此

語之。我不敢為家門羞。嗚畢。投崖死。

○賊焚新都。越一日。焚彭縣。

○賊掠郫縣。主簿張應奇死之。攻温江。丞簿縱繫囚逃。




○賊破金堂。典史潘夢科死之。○鹽亭一股賊抄西充折遂寧。趨潼川。直走金堂。攻破之。夢科不屈死。自是重慶以下。皆戒嚴矣。

○賊圍成都二十日。○蜀王之墳柏刊焉。

○冬十有二月。督洪承疇總兵曹變蛟帥師援蜀。次於廣元。○初。巡撫王維章以賊去。而侯良柱出隘兵也。相齟齬。吾上書言之。朝廷深以為憂。維章保寧。良柱守廣元。及廣元破。良柱戰沒。賊直逼都維章。及其下。不及接。按臣陳謨。雖檄總兵羅尚文集。永遵松茂之兵來援。又自以使事訖。按臣梁士濟已至。意可弛擔。有詔維章良柱俱職。戴罪自贖。廷謨降三級。蓋不知良柱之死也。時輔臣劉宇亮宗人。殲于綿竹。告家難。上逮治維章。以傅宗龍代之。

戊寅春正月。洪承疇大敗闖賊于梓潼。賊還走陝西。○是役也。賊陷州縣三十六。蜀創甚。



○夏六月秦寇再入蜀。○寇由陽平白水再入蜀。巡撫傅宗龍以滇兵二千與蜀帥羅尚文謀戰守却之。

已保寧天鼓鳴。○時成都東嶽廟玉帝像自動不止。

○夏五月以參政邵捷春撫蜀。○代傅宗龍也。一

○秋八月大學士楊嗣昌督師討賊。○先是十一年

夏四月張獻忠偽降於穀城理臣熊文燦責賂黃

金贖裏千珠琲盈斗他貨累萬受其降。及是年五

月獻忠復叛攻殺知縣阮之鈿。漢東大擾。上命閣

部楊嗣昌督師討之。賜上方劍。宴於平臺。後殿上

手觴嗣昌三爵。賜以詩云。鹽梅今暫作干城。上將

威嚴細柳營。一掃寇氣從此盡。還期教養遂民生。

書用黃色金龍蠟箋。後署云。賜督師輔臣嗣昌。

○張獻忠寇蜀。官軍敗績于湯家壩。○先是左良玉

羅徼山之敗。在七月獻忠謀入秦。秦督鄭崇儉率副

將張應元江之。鳳賀人龍李國奇抱興安。賊犯興



山太平等縣屯於永寧關大巴山分水嶺秦蜀之
交界。又從義溪走馬家洞沙子嶺以關合江。從鹿
耳坡高竹坪以窺大寧。蜀撫邵捷春遣其兵二千
人。同副將王之綸方國安分地招險。八月官軍敗
績於湯家壩之綸力戰不支。都司何明沒於陣。裨
將多傷。

○九月方國安部將岳宗大譚鋌破賊於三奕峰。○
時又破之於黑水河。張獻忠羅汝才分其軍。身白

水之碧魚口入秦合。之萬家坡入楚。

○冬十有二月流賊羅汝才犯蜀。

汝才綽號曹操
先豫中童謀云。

鄴臺復鄴。室曹操合再
來。汝才因仁以為

庚辰春全川地鳴。

○夏五月石砮女土官表良王大破羅汝才於夔州。

○汝才入巫山。為良王所扼。遂犯夔州。良王師至。
延去。已而邀之馬家壩。斬首六百級。又追敗於留
馬壩。斬其魁東山虎省。合他將大敗之於譚家坪。

北平又破之。仙寺嶺。奪汝才大燾。擒其渠副塌天等六人。賊走大寧。

○六月安岳紅雨。著物俱赤色。

○秋七月督師楊嗣昌駐師彝陵。○時張獻忠敗於

瑪瑙山。遣間說左良玉曰。獻忠在。故公見重。良玉

延圍而不攻。賊得與民市鹽芻米酪。收潰卒。養

煖傷火之。自興房走羊山。西合羅汝才。悉銳來

攻蕩州。官兵大潰。楚張應元中流矢突圍走。參

將汪之鳳等戰死。嗣仁襄陽聞之。延進師彝陵。

○嗣昌虛恢自用。又瑣無大略。軍行必自裁進

止。千里待報。動失機。其駐彝陵也。偕幕士飲酒

賦詩。一月不進。取第四卷。謂可咀蝗已早。公

然下教郡邑。且以上問朝士。問而歎曰。文若其將

敗乎。擁百萬之衆。戎服講經。其哀已甚。將何以戰

嗣昌楚人。不欲賊蹂楚。其初至軍。即謀以蜀

困賊。謂蜀地險遠。極迫則松潘諸蠻。吾藉將士力。



威賊而致之蜀。蜀能守則守。不能守。棄涪萬松雅
 之間。以啗賊。秦兵斷道。臨白水。滇兵屯曲靖。扼
 白石江。我率大兵掩擊其後。驅入松潘諸蠻中。可
 制賊死命。又恐蜀之門戶堅。反而決關。凡蜀兵之
 强者。輒調之以飾他備。巡撫邵捷春戲下。止蜀卒
 二萬。守重慶。捷春憤曰。令甲失一城。巡撫坐。今以
 蜀委賊。是督師殺我也。爭之不能得。

○時嗣昌又下檄曰。賊東走大寧。大昌。由彝陵下荆

襄者。我當之。西走紫興。房竹。入秦者。左良玉當之。
 伺四川。走夔門。邵捷春當之。又令蜀無棄兩省界
 中。三十二隘。只專守夔門。用楚大兵。從竹房逼賊
 於大寧。大昌。勢如圓盤。點滴不漏。捷春意其以失
 地相害也。堅守各隘。會隘將覃思岱。楊茂選者。不
 相能。思岱陰中茂選。捷春不察。立召茂選斬之。即
 以兵屬思岱。一軍皆怨。相率委去。賊遂從此隘入。
 諸隘駭散。賊直斬夔關。從白馬渡過江。壁達州西。



關。躁及蓬縣矣。


○見研齋文集。

○巡撫邵捷春移秦良玉兵至重慶。○時知縣州陸遜之罷官歸。捷春遣往按行營壘。過秦秦冠帶佩刀出見左右男妾十餘人。然能制其下。視他將加肅。為陸置酒歎曰。邵公不知兵。吾一婦人。受國恩。應死。所恨與邵同死耳。之遜請其故。良玉曰。邵公移謀近。去其所駐重慶三四十里。而遣張令守黃泥窪。固已失地利矣。賊在歸巫萬山之上。俯瞰吾營。鐵騎建旄而下。張令破。次及我。我救。尚憊救。慶之急乎。且閩部驅賊入蜀。無知愚皆知之。不及此時爭山奪險。令賊毋敢即我。而坐以設防。此覆軍之道也。

○九月張獻忠陷大昌。總兵張令死之。捷春收兵扼梁山。○先是萬元吉駐巫山。邵捷春駐大昌。相聲援。捷春用其將邵仲光之言。以大昌之上中下馬渡。水淺地平。難持久。迺扼水寨之觀音巖為第一

隘而夜义巖 三黃嶺磨子巖魚河洞下涌諸處各
 分兵三四百人以守。元吉以兵分力弱為憂賊以
 九月先突觀 音巖三黃嶺窺下馬渡無備破之。元
 吉急檄諸將。邀之於譚家嶺七箐坎乾溪。而張奏
 凱以專兵屯 淨壁捷春用羅洪政沈應龍二將兵
 助之。已而獻 忠從竹茵坪突過淨壁進屯開縣。嗣
 昌聞蜀兵潰。取觀音巖守將邵仲光斬以徇。是時
 張令中流矢 死。石砮軍亦覆沒。令故奢崇明降將。

年七十餘能馬上用五石弩。中必貫草。忠勇善戰
 軍中號神弩將捷春倚之。然性輕敵。時有賊策一
 騎於山。呼其壘曰。誰是張將軍。令易之。躍馬出。賊
 曰。若善弩。今用相報。發矢中項以歿。良玉兵既敗
 單騎見捷春曰。事急矣。盡發吾溪洞之卒。可二萬
 我自餽其半。半餽之。官足破賊。上官家調兵。用一
 箸一帚者。最急。箸以能飯者畢至。帚則掃境盡出
 也。捷春見嗣昌與已不相能。而蜀無見糧。峒寨之



人詐可信。遂謝良王言不用。自收其兵扼梁山。○
時有降賊自請於捷春曰。某降有日矣。而公不我
用。有疑我心乎。邵曰。軍機大事。汝新從賊來。固不
能無疑賊曰。吾從賊久。恨失身。欲圖報國。公疑則
速殺我。否則當早用吾計。今賊大眾既疲。無饑可
滅。倘有他賊。以軍糧接濟者。雖百萬衆。無能破之
矣。捷春從之。賊盛言諸賊山中所窖金銀。蒙以動
將士。而道上所遇皆餓莩。無人色。其死者剖其腹
盡草樹皮。謂可信。延盡新募軍者二萬人。深入皆
覆沒焉。

○捷春退屯縣州。○羅汝才既與張獻忠合。獻忠以
梁山河水深不得渡。謀於汝才曰。達州河淺。不如
自開縣西走復東向而趨達州。是時方國安招集
殘兵。保達之郊。獻至不敢爭。賊遂渡河。長驅深入。
捷春退屯縣州。扼浩江。

○賊趨漢中。趙光遠賀人龍拒之。復走巴西。○捷春

既扼涪江。賊聞。疾走劍州。越廣元。將從間道趨漢中。趙光遠賀人寵拒之於陽平百丈二關。不能進。延踰昭化。復走巴西。張應元合楚蜀兵。邀之於梓潼。戰小利。賊反鬪。被歟。蜀將曹志耀。王光啟。張世福。力戰却之。降將張一川等陣亡。涪江軍聞之。遂潰。

○賊屠綿州。捷春歸成都。賊逼成都。○賊從綿趨攻內江。內江有土司家將毛文者。設守。賊至。文與戰。大敗之於東瓜崖。殺其渠魁曰曹四。賊因偃旗鼓。疾走成都。成都城龜形。其下皆焚石。惟北角樓。用土填築。少瑕。賊夜至穴城數處。將穿矣。城中出董卜蠻者。與之戰。賊大敗。殺其卒萬人。廼遁。

○冬十月。參足突入玉井。○占曰。虎狼暴害。其時獻方蹂躪四川。蓋其應也。

○十一月。逮郤捷春論死。○嗣昌先以大昌失事。糾捷春罪。用監軍道廖大亨代之。捷春為人清謹。有



惠政。士民哭送者載道。舟不得行。競逐散旗官。蜀王疏救。不聽。

○楊嗣昌進軍駐重慶。○嗣昌幕下評事萬元吉饗士於保寧。用猛如虎為正總統。張應元副之。令率其軍趨緜州。諸將分屯要害。而元吉自間道走射洪。過蓬溪。以待賊。時賊屯安岳周里場。知官軍至。宵遁。如虎選騎逐賊。元吉與應元營安岳城下。以截賊歸路。是月也。賊縱掠什邡。緜竹。安縣。德陽。合堂所至。空城而遁。復由水道下簡資。嗣昌徵諸將合擊。皆退縮。賊遂陷榮昌。永川。

○十二月賊陷瀘州。知州蘇瓊死之。○瓊江南進士。城破。正衣冠向闕拜泣。坐堂上。賊至。不屈死。時嗣昌在重慶。下令赦汝才罪。降者授官。有擒斬獻忠者賞萬金。爵通侯。次日堂皇厨酒。徧題有斬閣部頭來者。賞銀三錢。嗣昌瞠視咄叱。疑左右皆賊勅。三日進兵。會雨雪。道斷。再戒期視師。三檄賀人龍。



不至。初，嗣昌憂左良玉跋扈，私許賀代左為平賊將軍。已而良玉有瑪瑙山之捷，謂賀且需後命。良玉聞之，不說。二將以是怨望。元吉進曰：軍心未一，不可以戰。盍令前軍躡賊後軍為繼，中軍從間道出梓潼，扼歸路，以徐候濟師。此萬全策也。嗣昌有驕色曰：賊易與耳。焉用分兵示弱耶？至是，獻忠破瀘州，瀘州城三隅形銳而面江，止立石跼一路可止走。元吉請以大軍自南搗其老巢，伏兵傍塞，玉蟾寺、鳳賊、杜窟、永川逆而擊之，可以盡殲。已而抵立石，賊營先移。秦師屯小市廂，隔水而陣。賊渡南溪，秦兵縱之，遂越成都走漢州、德陽。元吉單騎至藉田鋪，賊渡緜河入巴州。嗣昌既詘，監軍謀不用。將以明年正月自統舟師赴雲陽，檄三軍陸行疾趨追賊，毋令他佚。諸將廼盡從瀘州，躡賊後，賊反而東走，諸路盡空，不可復遏。于是自巴抵達，及於新開。

蜀書 卷一
辛巳春正月己丑總兵猛如虎追賊及開縣之黃陵城
敗績。恭將劉士杰等死之。○官兵追賊至涪陵。日
晡雨作。恭將劉士杰環甲持矛。摧陷賊陣。賊眾披
靡。後軍無繼者。賊密抽騎越竹箐中。乘高大呼馳
下。士杰及遊擊郭開猛如虎之子先捷力戰皆死
如虎率牙兵磨拒。中軍馬智挾之。衝突潰圍走。羣
符盡失。嗣昌在雲陽聞敗頓足歎曰吾不用萬監
軍之言。以至於此。賊遂東下。


萬元吉永川之議也。猛如虎先行。詢鄉道無一人
應者。元吉輕騎至城中。惟丞簿一二人。縣令戴堯
雲已先期遁。及諸將會於灑。中軍陳可立擁羣牛
頭山。飲倡樂以觀鬪。元吉令之赴賊背道馳去。如
虎所將寧國兵止六百騎。餘皆乎賊鎮兵。乎賊鎮
左良王
驕悍不法。流言云。想殺我左鎮。跑殺我猛鎮。蓋諸
軍隨良王。優游不戰。而如虎逐賊日馳風雪中。不
樂也。未幾大噪西歸。易曰師出以律。滅否凶。嗣昌

之軍律如此。宜其凶終也。

元吉以嗣昌薦起自廢官。欲乘時會以立功名。嘗自保寧趨達州時。賊燒絕驛。置七百里不見烟火。單騎崎嶇。篲銑間至江。舍騎放舟。始及大軍。故一見督師。即請分兵以為後距。開縣之敗。元吉親至戰處。為文以祭陣亡將士。劉士杰等哀動三軍。在夔門。收台殘卒。登白帝。以望賊騎。歷歷在山谷間。我師川湖諸將。反出其後。無一人禦之者。不覺無

解流涕而痛。昔日吾謀之不用也。

○三月楊嗣昌至荊州之沙市自殺。○嗣昌引兵歸楚。傳箭召潰卒。順流東下。而賊已席捲出川。率輕騎一日夜馳三百里。殺督師使者於道。取兵符。馳呼襄陽城門入之。夜半從中起。城遂陷。獻忠縛襄王置堂下。屬之酒曰。吾欲斷嗣昌頭。嗣昌在遠。今借王頭。俾嗣昌以陷藩伏法。王努力盡此酒。遂害之。嗣昌羞憤。抵荊州沙市。之徐家園。伏毒以死。




壬夏達州城濠水盡變為血。城中井鳴。○又劍州民家。有滴血污其門。城中數萬戶皆同。

○冬十月松潘兵變。○松潘邊兵以索餉不給。聚衆數萬為亂。巡撫陳士奇以禍福諭之。衆遂定。

承大足縣李結實如刀豆。川南李生黃瓜。○占云李生黃瓜。民皆無家。此離之地也。時民家有貯米箕中者。粒躍出。傾刻布地。

又梓潼縣龍江寺僧晨起汲水。見霞光燭天。潛伺之。少頃有鱗浮出。灌水。踰時迴隱。米穀厥逆入。



蜀碧卷貳

起甲申止本年十二月

丹溪生彭遵泗磬泉編述

甲是年三月十九日。闖賊李自成陷京師。懷宗殉社稷。五月。我

大清

世祖章皇帝定鼎燕都。是為順治元年。是歲八月。獻成臨蜀。

○春正月日赤。○日中有赤氣數道。下寬上銳。自東指西。又日月無光。赤如血。仰視北斗。皆不復見。
○大星出西方。○芒燄閃爍不定。至獻賊滅後。迺隱。



○彭縣白鹿山裂

○張獻忠復自楚寇蜀。正月夔府陷。○先是崇正十六年。獻忠破江西廣東諸郡縣。再入岳州。或有進策東下取吳越者。獻忠以左良玉駐武昌忌之。迺決議入蜀。時蜀撫陳士奇性率傲。無他籌略。緣劾候代軍不放糧。十三隘口。無分漙者。賊至梅子坡山而饑。以無兵故入之。秦良玉馳援。衆寡不敵。潰。三月陷夔府。

○賊入萬縣。貢生吳獻棻被執不屈死。○獻棻被執。強以為參軍不受。賊怒。斷臂解腕而死。其子之英痛父。亦被磔焉。

時賊攻梁山。邑人高宗舟榜率鄉勇守北門。城陷。疾歸家。令妻孥皆自盡。作書付僕使問道達父所。而身統家奴二十餘人巷戰。被重傷死。奴輩從之。又執庠生古元直妻譚氏。氏大罵。觸階而死。賊掩其屍而去。

○賊屯萬縣。○江灘水漲。賊不得上。留屯者三閱月。民皆逃避。賊誘以降者不殺。既出。悉驅之入水。

○夏四月。參將曾英敗賊於忠州。○賊至忠州。英率水師迎之。用火攻。燒其舟百餘號。賊死以千計。及英等還守涪州。賊遂悉眾屯忠州葫蘆壩。

○參將曾英及守道劉鱗長與賊戰於涪州。敗績。○賊徒健鬪者十餘萬。負載者倍之。置橫陣四十里。左步右騎。翼舟而上。時英與鱗長守涪州水路。趙

貞守梁山陸路。賊至。榮貴望風先遁。英接戰而敗。退至五里望州關。賊追及。斫傷其頰。英手殺數人。跳而免。與鱗長走川南。

○六月二十日。賊陷重慶。瑞王常浩及巡撫陳士奇以下各官死之。○重慶下流四十里曰銅鑼峽。上江要路。士奇宿重兵以守。六月八日。獻忠入涪。分舟師沂流犯峽。而已則登山疾馳一百五十里。破江津。掠其船。順流而下。十七日奪佛圖關。賊得關

峽反出其下。兵士驚擾不能支。遂潰。賊數十萬至
城下。士奇等日夜登陴。衣不解帶。以火灌滾炮擊
賊。死無數。於是賊發民墓凶具。負以穴城。而置大
炮為火攻。至二十日夜。黑雲四布。賊於城角藏火
藥數十筒。晨起。以火箭齊射藥處。火發。地裂。城遂
陷。王與各官俱遇害。

瑞子常浩神宗第五子。先自漢中奔蜀。關南道唯

羽

俱隴西士大夫。多挈妻子以從王。來一

。城陷被執。時天無雲而雷。賊曰。若再雷者

。已而王不免。王好佛。不近女色。丞監以下皆化

之。吳民有解瑞府糧者。無行費。必厚給贖。使早

其死也。乘白氣冉冉而沒。人謂之兵解。

陳士奇字平人。漳浦人。聞之能文家也。天啟進士

崇正十五年。來撫川。緣劾候代。賊既入夔。將吏謂

公曰。郵事撫軍。可以去矣。公曰。賊自我入川來。我

去。何以對君父。義與封疆共存亡耳。城陷。與關南

兵備副使陳纁知府王行儉巴縣知縣王錫指揮
顧景俱死。○行儉字質行。江南宜興進士。賊縛於
演武場。大罵不絕。賊轡之。○錫字古田。江西新建
進士。被執。慷慨激烈。與士奇備受五毒。磔死。○景
間城陷。入王府。以已所乘馬乘王。鞭而走。遇賊呼
曰。賊寧殺我。無犯帝子。賊戕王。景死之。○自瑞王
以下。死者萬人。是日天大雷電。晝晦。獻怒架飛礮
向天擊之。天為之霽。

○按鄞都林明儁作三忠傳。蓋士奇行。及
而巴人劉道開有列傳行世。


○賊斷軍士臂。三萬七十餘人。○時重慶軍士尚
三萬七十餘人。賊盡斷其臂而縱之。

○賊分兵攻合州。諸生董克治起兵拒戰。死之。○王
慶既陷。賊即令兵掠合州。克治傾家貲募勇壯。以
賊賊大至。過於長安坪。與戰不勝。退據碕中。誘
爵位。不動。相守月餘。賊鑿山梯碕。舉火薰之。凡三

千人感克治風義。至死無一變心者。時比田橫云。入永川。邑人蔣世鉉集義勇二百人。櫻城固守。後與賊戰於東門。被執。勸之降。瞠目大呼曰。速殺我。不降也。賊寸磔之。○邑孝廉梁士騏遇賊。執之行。欲授以官。大怒。罵賊被殺。

○秋八月初九日賊攻成都。陷之。成都王至澗。太平王至涿。巡撫龍文光巡按劉之渤及諸文武官死。賊大殺三日。

賊自重慶趨成都。一路州縣望風瓦解。烽火里不絕。成都大震。蜀王謀遷於漢。按臣劉之渤力持不可。內江王不聽。與之爭。王以六月十三日成行。守門卒洶洶亂。輜重婦女有被掠者。王廼止之。渤與監紀同知方堯相等請王出財貨招募死士。向東殺賊。王以祖制為辭。於是城中一日數驚。藥局災。雷震宮殿。大雨雹。王懼。方出財招募。三日人無應之者。而賊從資簡至矣。是時新撫龍文光




總兵劉佳印率三千兵自川北入援。謀守禦。而王宗大姓逸去者半。賊薄城下。佳印出戰。敗還。文見濠涸。急遣郫縣令趙佳煒決都江大堰以益。時賊穴城。實以火藥。又剝大木長數丈者合之。以帛貯藥向城樓。之渤等厲衆奮擊。賊却二三。未幾雨大作。雷電交加。守陣者不能立。賊縱火。城穴北取。以火炮擊之。錦江樓崩。木石飛空。賊蜂擁而入。城破。王率嬪妃沉於宮中。八角井。

平一。冰從焉。文光等俱殉難。賊大殺三日。

成都王至澍嗣王奉銓長子。萬歷四十三年嗣。城陷。自沉於井。邱妃隨王。宮人素馨等相繼從死。○

志云。王先數日赴社稷壇井側。聞賊入。投之。與此小異。

○初高皇諸子。蜀獻王好學。帝呼為蜀秀才。妙選名儒。侍講帳。繕寫購藏圖書甚富。而世傳獻王得鴻寶之書於內府。子孫善黃白治化。然皆積不用。至臨藩亦能作黃金。因恃其都為天險。而蜀士大夫。



以道惡地偏。無復多憂。迨五月。審知國信。七月。傳賊將至。城中人震恐。每夜呼曰。闖至矣。明日又呼曰。獻至矣。王不知所為。謀以宮人遊於荒。富家亦從擊以出。以劉之渤持之。不果。蜀世有共德。王號賢王。特以祖宗之制。不典兵。不與民事。故請餉弗聽。請召募弗聽。賊搏城下。始出金購兵。而人莫應。二百七十年。富庶之藩封。喪於賊手矣。哀哉。太平王至深嗣王奉銓第四子。萬歷四十四年封。

隨居成都。賊入。同累。

一投井死。

江或云內江王非。

龍文光。柳州進士。以川北道擢撫四川。駐節順慶。聞賊趨成都。星馳赴省。圖拒守。城破。投浣花溪死。○劉之渤。字羽長。雲羅進士。以御史巡按四川。與文光謀守城。被執。賊以同鄉欲用之。之渤大罵曰。死賊。我豈從汝耶。賊縛於端禮門外。攢矢射之。不少屈。臨死。厲聲曰。寧多割我一刀。少殺一百姓。賊磔其屍。一時從死者。按察副使張繼。益守西道。陳

其赤建昌兵備僉事劉士斗監紀同知方堯相成都令吳繼善華陽令沈雲祚郫縣令趙嘉煒教授何秩長史鄭安民

(一)劉士斗番禺人以進士任成都推官之渤特薦建昌兵備僉事賊將入之渤趨之行士斗曰安危死生同此耳城陷死之○堯相字紹虞黃崗人兵餉不繼與巡按請於蜀藩不允遂投王府河以拯起次日皮執受害於萬里橋其絕命詞云時危節見

古今同取義成仁且盡忠江水茫願借力此身

飄蕩赴團風方家在團風故云○繼善江南人賊未至上

書藩府勸其出餉募兵累言數百言極痛切王不


用城破閤家三十六人同日死難○雲祚字子凌

太倉人城陷與之渤士斗俱幽於太慈寺絕粒半

月不死賊餽之食誘降雲祚躍起大罵云吾欲食

賊肉耳豈食賊粟哉與二劉同遇害有幼子荀蔚

方五歲友人匿之山中得免越二十年始歸○嘉



煒浙江監生。令郫縣。賊圍城。渡酒。文光令決都江堰。以益。水甫至。城陷。嘉煒還。遇賊射之。赴水死。其子慶麒自浙走萬里。求父屍。三年不獲。遇堰。向應泰告以死處。為三渡口。招魂壘土葬焉。○何教授當城破時。坐明倫堂。鳴鼓集諸生。不至。夫婦自縊。

○武臣死者劉佳印。佳印川北

賊走成都與撫

臣文光率三千兵赴援。比至。賊

出戰。賊還同

女光赴水。死。○總兵張

恭江人。守東門

城陷死。○叙南衛世嚴指揮

印昌鎮守成

都。合州人。羅大爵。山東人。劉

雅州指揮阮士

奇。撫標參將徐明蛟。都司僉書李之珍。或以陷陣

死。或以巷戰死。

○鄉官士女殉難者。原任順天府治中莊祖詒同弟致仕按察司祖誥。祖誥當賊入。整衣冠端坐於堂。大罵賊。遇害。○原任東流知縣乾曰貞。賊入城。曰



貞拒之。用磚斃一賊而死。○明經邱之坊及子庠
 生祖福居鄉。賊遣人招之。之坊卧於床曰。吾受國
 恩已久。更知誰耶。掉臂復卧。不食死。賊執祖福叱
 之跪。祖福曰。朝廷士子。豈為賊屈乎。大罵而死。○
 諸生王鳴珂妻熊氏被執。賊脅之。氏罵曰。我名家
 婦。肯辱身從汝。賊怒殺之。○以上成都縣人。
 ○致仕大理寺正王秉乾。城陷。驅閤家投井。以身罵
 賊遇害。○原任宣化府同知王履亨被執。至新橋

授一

生舉以偽學官楊允升迫諸生

應考。大罵。自刎。

○三人華陽縣人。

聞蜀藩殉國死者。原任給事中吳宇英原任工部
 主事蔡如意舉人江騰龍。○俱潼川人。
 不就賊死者內江張於廉以彭澤令致仕歸。賊迫
 就偽職。不從。與妻鍾氏同罵賊死。○安縣明經趙
 鴻章子進士吳。賊召入監。不應。全家罹害。○安縣
 監生李資生宣大總督鑑之子也。賊逼入監。生歎



曰。吾為大臣子。肯屈賊乎。以死自誓。妻董氏年二十三。願從夫死。並自經。○新繁諸生費經世者。與賊將有舊。賊將欲薦而官之。堅辭為賊所殺。○資陽諸生劉和芳為賊所得。持扇行歌於道。至西門。從容投石橋潭死。○大學士絲州劉宇亮子喬盛從賊。授之官。使回縣移家。其妻王氏曰。賊之官。汝固可作賊之妻。我斷不為。自縊死。○什邡明經李愛芳二女。遭宗室未氏弟兄。城陷。二朱已先期出。賊大搜藩宗。二朱知不免。投水死。李氏姊妹相謂曰。夫死安歸。聯袂溺於江。○漢州諸生陳雲鵬為賊搜執。欲授以官。不從。死之。

○賊略崇慶州。知州王勵精死之。○勵精陝西蒲城人。賊破成都。州人間風先避。其僕勸之去。勵精不可。具朝服。北面拜。復西向如禮。從容於甬壁書文山。孔曰。成仁數語。書籠。登樓。以利刃縛柱。而露其鋒。貯火藥於樓下。危坐以俟。及報賊騎渡江。縱火。

藥發觸刃貫胸以死。賊壯其節。歛葬之。至今所書。雨洗風凌。墨痕不滅。

○賊入新津。貢生王源長及妻徐氏死之。○源長邑人。崇正間拔貢。獻至。揭一聯於室云。存心正大。光明夜可焚香告上帝。立身忠孝廉節。日將披赤事明君。篇賊所執。不屈死。妻徐氏從之。○有袁氏者。諸生藍燦妻。於賊氏間自經。

○賊入漢州。○烏澤妻陶氏被執。不屈。同兒

媳張氏携手罵賊。引頸就刃。○時張氏婦聞賊逼近。將衣服週身縫固。投井死。賊退數日。出其屍。顏色如生。

○賊略彭縣。士民祝丕傳魯城隍等死之。○丕傳邑諸生。孫可望至彭。丕傳負母。逃避樊家塢。賊追及。欲殺其母。求以已代。不許。遂大罵。母子罹害。○劉昌祚亦邑諸生。匿山中。被執不屈死。○魯城隍失其名。城隍其綽號也。賊執至成都。大罵。割其舌。嘆

血奮罵賊怒。寸刺死。○有業醫徐履端者。賊至。脫
衣履。置觀音岍上。赴水死。○劉時雨妻黃氏。携七
歲子。避賊於雷打廟。賊至。脅以兵。不從。殺之。○邑
趙姓妻官氏。威遠人。賊屠縣。氏先將數女。縊死。後
自縊。○入什邡。邑人顧存志妻賈氏。焚其室。偕媳
縊死火中。

○賊陷餘竹。邑人楊國柱巷戰死。典史卜大經自縊。

○國柱貢生可賢子也。先是崇正庚辰。戲遊獲可
賢。拔之曰。汝子國柱守城。召之降。則免。可賢佯諾。
臨城。語其子曰。賊不滿千。汝第堅守。勿以我為念。
賊忿。殺之。攻城不克。至是城陷。國柱率士民數萬
與賊巷戰。力竭。罵賊死。大經偕其僕縊死廳中。○
時邑諸生陶修吉同妻龐氏被縛。至中途。龐氏給
賊曰。我願往。何縛為。賊寬之。夫婦俱投崖死。○諸
生顧天澤妻留氏當賊攻城。歎曰。死之遲早。到底
不免。此身豈可受辱。抱幼女投井死。○邑民文仕

舉夫妻同執。賊見其妻勾氏美麗逼之。氏大罵。賊環碎其衣。罵愈厲。賊怒。支解之。其夫乘間亡去。○諸生楊元吉妻蕭氏。賊至。語元吉曰。祖宗不可無後。我勢難行。君速避。同死無益也。元吉泣去。賊執蕭氏。氏給之曰。素苦貧。今願相從。賊信為實。防少間。躍入井死。○邑民王宗道妻袁氏被執。迫之行。憤怒罵賊。賊殺之。○黃守學亦邑民。以孝聞。賊圍城。其母柳氏自縊。守學歿。曰。吾當從母於地下。亦縊死。

○賊略縣州。○時關南道劉宇揚妻李氏侍郎劉宇烈妻張氏大學士劉宇亮妻宋氏避西山白垭。將劉文秀訪得之。三氏相謂曰。吾姑昔日涪水遇盜。懼辱投水死。吾輩終有死期。今日受污。異日何以見姑與夫於泉下。遂同縊。

○賊攻仁壽。知縣劉三策孝廉賈鍾斗諸生劉士愷等拒戰死之。○三策饒州舉人。任仁壽令。賊至。誓

死守城多方捍禦。每對紳士云。事迫矣。吾惟有不動心三字耳。及城破。死之。○鍾斗崇正己卯。孝廉。同諸生劉士愷。率鄉勇。共謀守禦。賊大至。力戰。不勝。俱死之。○諸生龍明新。復起兵拒賊。被執。罵賊死。○又執貢生顧鼎鉉。鼎鉉不屈。賊抉其兩目以死。○諸生陳素。陳應新。左灼。俱殉難。○賊欲污左灼妻閔氏。氏大罵不從。賊殺之。○辜氏女。及笄。未嫁。聞賊入境。懷利刃以俟。勢迫。自刎死。

時井研有雷應奇者。素負俠氣。賊至。曰。奈何郡縣無一殺賊者。糾義勇。拒於高境關。追至桑園。力殺數賊。死焉。

○賊入汝川。原任教諭高仲選死之。○仲選邑歲貢。原任大足縣教諭。城陷。攜其子女投江死。

○冬十月初五日。賊陷邛州。上南道胡恒知州。徐孔徒死之。○胡恒。竟陵人。官川南。駐節邛州。賊分兵狗邛。恒命幕客汪光翰出調兵。并檄寧越守備楊

起泰將兵來援未至而城陷恒與其子之驛戰死
妻樊氏妾成氏馮氏之驛妾周氏僕京兒弩來婢
女二從死舉家遇害惟之驛妻朱氏及幼子幾生
得脫世定後始歸○徐孔徒江西人城陷被執賊
知其才欲生降之不屈怒其不順孔徒曰不屈固
不順降則為不忠吾不敢不忠也遂死之

時賊屯兵文筆山驅士女登城環守徹夜鳴鉦有
假寐者立斬每日未曛即不許舉火時遣夜不收
許繞巷升屋覘有燈光及偶語者訊之左右數

十家皆坐

○賊陷蒲江知縣朱蘊羅死之○蘊羅湖廣江夏舉
人蒲城陷率兵巷戰被執不屈賊殺之全家俱死
○邛州僦劉道貞起兵拒賊戰於雅州小關山大破
之○道貞字墨仙邛州名士天啟辛酉舉人賊陷
邛道貞走沈黎激勵土漢與黎州指揮使曹勛合
謀起兵賊至雅州道貞及勛拒戰於小關山大破

其衆斬首千級。賊敗走。自是嚴道以南不被寇害。

○十六日流賊張獻忠踞藩府。稱帝。僭號大西。改元

大順。以成都為西京。○賊僭位。置丞相六部以下

等官。命汪兆麟為左丞相。嚴錫命為右丞相。南充

江鼎鎮為禮部尚書。彭縣龔完敬為兵部尚書。封

養子大將四人為王。孫可望平東王。劉文秀撫南

王。李完國安西王。艾能奇定北王。馬元利劉進忠

三品張能第化龍等為將軍。易王府正殿為承

天殿。以府門外屋為朝房。詔民間皆稱老萬歲。又

建東西二府。以可望定國居之。命皆稱千歲。是日


殿前賜各官朝服。令丞相以下朝罷。齊集朝房議

事。賊取井研陳氏女。即相國演女。或云胡氏女。立為偽后。其迎入

也。自南門五里外。架橋高十數丈。踰城直達藩府。

左右五綵欄檻。上結錦綉。繒以明珠。象星辰。首尾

懸水晶燈籠。象日月。一望如長虹亘天。迷離奪目。



諭衆云。天賜后也。封其兄為國戚。不十日。皇后賜

死。其兄亦受極刑。自是令兵馬於城上大槁出入

開科取士。中鄉試者八十人。中會試者五十人。以

漢州樊姓為狀元。一云姓劉榜探皆具。獻自為萬言策。

歷評古今帝王。以西楚霸王為第一。命頒布學宮。

所取狀元。後隨川北。不知所終。○或曰。傳疆後。賜

美女酒緞。甫歸。令人就其家斬之。其餘俱以受

職死。

○賊遣張龍等陷龍安。○府庠生梁道濟同妻楊

氏避亂山中。賊執之。使跪道濟曰。我讀聖賢書。豈

為賊屈膝耶。欲犯楊氏。氏罵曰。我家女。士人妻。

爾速殺我。隨夫地下足矣。賊縛剔之。夫妻至死。罵

不絕口。

○賊遣劉進忠馬元利等略川北。

是時賊設鑄局。取藩府所蓄古鼎玩器。及城內外

寺院銅像。鎔液為錢。其文曰。大順通寶。令民間家



懸順民號帖。以大順新錢釘之帽頂。

○諸神像首百煉不化。賊盡棄之。後

本朝成都知府龔應熊拾而埋之北關外。題其碣曰

佛塚。

○賊錢尚色光潤精緻。不類常銅。至今得者作婦女簪花。不減赤金。

又行保甲法甚嚴。諸門各設一兵部。二都督。讓呵出入。民之出城者先期報某甲姓名。以某事待約

某日歸合符而入。有失期及踰時者斬。又將各處石碣碑坊悉剗。明朝年號。有獻忠二字者。盡去無遺。又禁其下。勿得觸諱。郡邑人物有犯必死。

賊又分其兵一百二十營。虎威豹韜龍韜鷹揚。為宿衛。設都督總督領之。立大營十。小營十二。於南門五里外中置老營。獻自居之。名為御營。○或云獻坐正殿。影見白衣大人射之。頭暈目眩。欲墜座下。不敢坐。常居營中。今其地名御營壩。



時孫可望取漢中。為闖將賀珍所敗。獻親往救。過梓潼七曲山。仰視神廟。題額張姓曰。此吾祖也。追尊號曰始祖高皇帝。獻不知書。其從官進諛。比於李唐之追王混元。自謂文昌之後裔。宜帝巴蜀。誑耀百姓。建太廟於山。鑄像祀之。落成。賦詩其中。令右相嚴錫命以下。皆和御製。稍遲者斬。詩刻石置八卦亭內。○刻石。後為知縣王維坤碎之。王順治辛丑進士。長垣人。

○賊將劉進忠穿破安岳。原任兵備副使竇可進死

之。進士王起峩起兵拒戰。敗死。○可進邑人。崇正

庚辰進士。任雲南兵備副使。告歸。安岳陷。被執。罵

賊不屈。賊剥其皮。磔之。○起峩字如蘇。可進同榜

進士。賊至。倡義得萬餘人。與賊戰。敗沒於陣。

○賊陷樂至。烈婦荆娘不辱死。○荆娘邑人。楊文煥

之妾也。買於荊州。因以為名。文煥卒。守節。城陷。為

賊所得。大罵。不受辱。賊殺之。

○賊陷潼川。孝廉李永綦死之。○永綦崇正丙子舉

人魁岸善飲。聞賊據蜀。避老安寺。斷暈絕飲。稱病
卧床。賊至。嚴索得之。令偽官昇至成都。張目不言。
引頸受刃。○李錦中州廩生。賊遣偽官考試。佯狂
卧地。迫之。遂閉戶自經。

州進士李為。擢妻吳氏縊死。孝庶黃嬪妻張氏。歐
如虹妻黃氏。貢生楊先憲妻朱氏。俱被執。罵賊死。
時賊取朱氏首去。先憲刻木首。附屍葬之。

賊至遂寧。原任教諭姚思孝死之。諸生羅璋戰死。

○思孝邑朋經。內江縣教諭。賊執之。守義不屈。被

殺。時羅璋奉母避山中。賊圍之。戰殺數人。母得

脫。璋遇害。

賊遂至蓬溪。邑人譚性妻陳氏被獲。欲污之。大罵

不從。殺之。○至射洪。城中人盡逃。有一老儒。遽止

之。人告以故。老儒曰。焉有此事。待吾問之。登婢壙。

見賊卒。蝟集。疾聲向賊云。清平世界。爾等率眾圍

城。欲謀反乎。獨不畏王法耶。言未畢。而飛矢集喉。

斃城上矣。此殆與桐城二老人相似。

○賊寇江南入桐城。人皆走避。一老人自扶杖出。見賊絮語生平窮苦狀。謂不能具主人禮。賊笑曰。若苦如此。何必更住世間。殺之。

○又一老人。赴其戚屬。值戚家沟沟避賊。老人罵曰。汝曹俱出。家中什物。誰與看守。不懼旁人偷竊。汝等俱去。我止於此。未幾。賊大至。焚其室。老人被殺。

○賊將劉進忠入保寧府。擄之。○先是

馬科黎玉田

明賊者撫寇

司擾亂川北。獻兵至。

敗走陝西。賀珍統前鋒。王老虎裨將嚴某

後為江西提督

沈鄭復師來爭。馬元利敗走。城復失。及珍回不守。

獻命進忠入據之。

○保寧有張桓侯飛廟。千年矣。初獻攻城。夜出巡

壘。見一黑大人。踞城上。手持蛇矛。足浸江中。驚

怖失聲。如是者三夜。獻詢知為侯神。望空遙祭。



而去。一城獲全。保寧數被兵。而城中人不互斷
盡者。侯之庇也。

○通江童子以抗賊死。○童子通江人。賊犯境。邑令
李存性守禦甚嚴。賊不能近。佯為官兵。將襲城。道
遇童子。結之曰。勿言我兵也。童子佯應之。且走。將
及城門。大呼曰。賊至矣。賊殺之。邑令為具。葬於城
西。祭之以文。○時邑人王延輔妻閭氏聞賊入。遁
深林中。被賊搜執。觸樹未死。罵賊。賊怒殺之。羣鳥
環屍哀鳴不散。

○賊至東鄉。貢生冉璘及其子宗孔死之。舉家自焚。
○冉璘東鄉恩貢。賊至。挈家避天台寨。賊追及。同
子宗孔被執。不屈死。其母楊氏妻向氏偕一家老
稚。登樓自焚。

○劍州梓潼等處俱陷於賊。○賊遣兵徇梓潼。諸生
蒲先春妻趙氏投江死。魏元良妻趙氏投繯死。○
入劍州。諸生李一鴻妻被執。賊逼之大罵。剖其腹。

而死。貢生張公選女。逃至石子嶺。賊追及。登石上。罵賊。賊撞其齒。落盡。仍罵不絕。以刃穿胸死。○入昭化。生員賈胤昌母李氏。任如永母吳氏。俱為賊擄。並罵賊死。○入廣元。諸生李猶龍抗節不降。為賊所殺。

○賊將馬元利下順慶守之。

○原任禮部郎中李含乙。兵復廣安州不克死之。

○含乙渠縣人。由進士。禮部郎中。丁夏里。

安城幾復。遣馬元利

○牙爭之戰。被執死焉。○邑王樹極從含乙為裨

將。含乙敗。為賊所獲。樹極已潰圍出。遙見之。反戈

殺數人。被執。亦不屈死。


○賊陷西充南充塔山諸邑。原任御史李完諸生樊

羽善陳懷西等死之。○李完西充進士官御史。致

仕歸。賊入西充。死難。○樊羽善南充學生。聞京城

破。大慟。時撫軍龍文光駐紮順慶。明善喪服誼軍

蜀書 卷二 三五



門曰。鼎湖新逝。臣子不共戴天。公聞變三日矣。而無所施為耶。文光深謝之。至是破家禦賊死。○陳懷西南克武生。賊誘之官。懷西曰。寧作明朝武生。豈為逆賊元老。賊斬之。懸首東門。其子哀痛而死。○時西克學生馬孫鸞見賊殺懷西。大罵割舌死。○澹山諸生王光先當賊犯城。率義勇戰於城關。被脅之降。不從。遇害。○大竹武生王巖聞賊入川。曰。食國家水土。力不能報。畢命可耳。父然

至。其父拔刀相迎。殺數賊。力竭死。遂擒贖不絕口。死之。○賊破儀隴。有王爾讀者。邑人。舉家僕也。賊追縣令李時。開將及之。爾讀奮身禦賊。令奔脫。爾讀被殺。

其時婦女死者。南克黃氏。氏太史黃輝絲女。夫早卒。教子成名。聞賊至。泣語子曰。爾幸遊泮。我終身苦節。值茲寇亂。敢求活耶。我死汝弗事賊。即報汝父母矣。遂縊。○西克杜氏避賊於張村溝。被獲。誓

賊不從。斷臂以死。○孝廉陳辰女。年十六。未字。值賊至。隨父母走避射洪。為賊所得。強之行。罵賊。賊怒。殺之。○貢生張尚選女。年二十。賊擄西充。與父母同執。賊給以好語。女怒罵賊死。○儀隴楊氏。岳池劉氏。俱為賊所獲。不從。死之。○巴州廩生楊日昇妻李氏。被虜。奮身投江云。

○眉州。

○置生

貢生黎應大潛於家。

結鄉隣之倡義者。以圖恢復。事露。賊支解之。子照斗。照達。照鷺。同日遇害。父子至死。罵不絕口。三日後。猶凜凜有生氣。

○賊陷嘉定。改為府。以偽官任元祐守之。○賊入州。執庠生郭大年。殺之。大年妻楊氏曰。願同夫死。廼出幼子付姑。從麗正門城上。躍入江中。

○入特為舉人周正。陳天祐抗節死。○偽守任元祐促周正之官。正不從。罵賊被殺。其子成儒與少弟



議以家屬托其叔曰。臣死君。子死父。其分也。迺共
奔賊營。抱父屍大哭。賊並殺之。○陳天祐夫妻同
執。並拒賊死。賊拘其二女。置輿中。昇經學前。二女
抗聲曰。我陳氏女也。往與父母同死一處。斷不玷
我鄉里。到營門。見父母屍。擲身撞石。指賊大罵。俱
遇害。

初賊索諸生省試。人邑彭大同張廷機並被難。大同
妻任氏設酒餼。要鄉隣親戚。永訣自縊。廷機妻梅
氏投水死。時稱復節云。

○賊分掠崇縣。知縣秦民湯死之。○民湯漢陽人。賊
至。被執不屈。叢射而死。

○賊陷叙州。原任湖廣布政司尹伸死之。○尹伸字
子求宜賓人。萬歷戊戌進士。歷官陝西提學。湖廣
布政司。以節義文章自負。尤工書法。避亂山中。為
賊搜獲。大罵賊。賊重其名。欲生致之。昇至井。研罵
日益厲。賊不堪。殺之。妻邵氏。妻夏氏。長子尹恩。婦

楊氏並盡節。○同邑舉人周元孝亦以不受偽職
死。○時諸生熊兆柱倡義討賊。李師武附之。兆柱
被獲。大罵曰。天運至此。在爾戕戮。賊剥皮鞞鼓。懸
之城門。令出入者擊之。師武被磔。○諸生魚嘉鵬
率衆殺偽官。為賊所縛。拷訊其黨。厲聲曰。自我為
之。恨不擒斬。獻逆耳。他人何與。賊副死。○諸生劉
苞晏正寅王應世俱不屈死。郭大勳閤門罵賊死。
李合宗梁為憲械至成都。面罵獻忠死。

時邑人總督樊一蘅方奉永明王命入川討賊。夫
人李氏方伯文續之女也。家居。為賊搜執。繫諸郡
獄。以辱之。夫人大呼曰。我夫奉行天討。誓必殄滅
賊類。繫我何懼。厲罵賊。賊殺之。裂其屍。棄之於途。
○樊一若妻夏氏年二十。被執。奪刀自殺。賊怒。懸
其髮於梁。支解焉。○兵部侍郎劉之綸妻楊氏孀
居。賊至逼之。夫人曰。我命婦也。豈為賊屈。賊副其
兩乳而死。○諸生余智與妻楊氏俱執。同一罵賊死。

周壩有渡子者。葉操舟。賊至。命之渡。不應。問船所在。亦不應。賊脅以刃。忿怒。拳擊賊。賊殺之。

叙州諸屬邑俱陷。○筠連人蘇亮工妻母氏為賊挾之行。至鳴鳳岡。墜涯死。○高縣人陳徵女三姑避落角洞中。洞破。投水死。○珙縣舉人向科原任江陵縣里居。賊入。索之。閤家殉難。○慶符人張祖周聞賊至。語友人曰。百年有盡。何貪生也。投起紼。

○隆昌諸生劉茲為賊所殺。執其妻。盧氏強

之行。氏紹曰。必見夫屍。迺行。及茲死所。抱屍痛哭。大罵賊。死之。○廩生范璵妻胡氏抱幼女逃。被掠。母子俱死。○賊入納谿。邑有二王氏。一為生員閔翼聖妻。避兵蘆鄉。賊劫之。投繯死。一為生員易行高妻。被獲。不受污。投崖死。

○賊入瀘州。紳士韓洪鼎。方旭等死之。○洪鼎州人。以孝廉任澤州牧。歸里。賊至。同原任推官韓大賓俱不屈死。○方旭及方伯元。曾薦祚。鍾子英。皆諸





生也。賊掠生員至營中。有泣訴求脫者。旭叱之曰。我輩受國家養士恩。三百年矣。恨不能噬賊肉以報國。尚欲覩顏求活乎。丈夫死即死耳。乞憐何益。賊怒。支解之。伯元亦罵賊被殺。薦祚投水死。○子英聞賊至。歎曰。吾讀聖賢書。何忍立此世子。與其妻携手沉于江。

○瀘州衛指揮使王萬春起兵拒賊。敗死。○萬春見賊入。所至多降。忿怒。率屯兵拒賊。轉戰數日。兵敗。就擒不屈。並其家死之。

○七寶寺僧晞容糾衆破賊於豹子洞。○賊攻豹子洞。晞容奮臂曰。洞中數百生靈。豈可坐視其死。糾鄉勇五百人。拒戰。身先衝殺。賊大敗。洞圍解。於是簡練精悍。與之相持。先後殺賊千計。一日賊突至。遂為所害。

先是瀘有湯名揚者。天啟間。蘭寇起。集義勇百餘。隨大司馬朱燮元征討。以功授松潘守將。時有邊

警名揚自龍安轉戰三百里間築砦堡十數拒寇
累績至副將流賊入蜀撫檄名揚為前鋒遇偽帥
虎頭卜數戰敗之賊悉眾圍於二郎關接兵不至
卒飢戰且死名揚身被數十鎗猶舉刀殺賊賊爭
礮之事聞賜廕祠祀焉



国立国会図書館 タイトル『蜀碧4巻』 請求記号 222.27-H614s(s)

ガラス使用